


1

Edukasyon sa Pagpapakatao

Una Nga Graduhan – Modyul 4
Nakakakilala Hin Mga Buruhaton Nga
Nagpapakita Han Pagkakaurosa Han
Pamilya : 4-A. Pag-urusa ha Pag-ampo





Aradman

Pagkatapos hini nga modyul, an kabataan in ginlalauman nga makakakilala hin mga buruhaton nga nagpapakita hin pagkakaurusa han pamilya sugad hin:

- Pagkaurusa hin Pag -aampo
(EsP1PKP-Ig-6)



Inadman

Butangi hin kasing-kasing  an puwede mo buhaton samtang kamo nag- aampo ngan bitoon  an diri.

- _____1. Piyunga an mga mata.
- _____2. Makaon nga samtang nag-aampo.
- _____3. Maduko o matamud an ulo.
- _____4. Makikipag-istorya.
- _____5. Maapi hit pag-ampo.



1. Kitaa ngan pag-admi an ladawan.
2. Batona an mga pakiana:
 - a. Anu-ano an ginbubuhat han kada miyembro han pamilya ha ladawan?
 - b. Patiunan-o hira nga nag-aampo?
 - c. Iyo ba gihapon ini ginbubuhat?



Panumdum

Isurat an **Eksakto** kun nagpapakita hin pagkaurusa han pamilya ha pag-ampo ngan **Sayop** kun diri.

- _____ 1. An pag-ampo han bug-os nga pamilya hin tim-os nahihimo ha iba-iba nga pamaagi.
- _____ 2. Igpasalamat an ngatanan nga mga butang nga nakakarawat han pamilya kay grasya ini han Ginoo .
- _____ 3. An urusa nga pag-ampo usa nga pamaagi hin pagdayaw ngan pagpapasalamat ngan pag-aro hin pasaylo han mga sala, ngan pag-aro hin giya ngan pag-aro han mga karuyag maangkon han miyembro han pamilya.
- _____ 4. Diri angay umaro hin giya han Ginoo ha ano man nga buruhaton naton.
- _____ 5. Angay nga pagbasulon an Diyos tungod han mga problema nga gin-aatubang han pamilya.



Diskubreha

Direksiyon: Isurat an tama nga baton ha masunod nga mga pakiana.


1. Mag-urusa ba nga nag-aampo an amon pamilya?
2. Ano an amon gin bubuhat ha kada Dominggo o ha adlaw han pagsingba?
3. Mag-iinuyag la ba ako bisan nag-aampo hira nanay, tatay ngan mga kabugtuan ko?
4. Paunan-o namon mapapadig-on an amon pagsarig ha Ginoo?
5. Kinahanglan ba an tim-os nga pag-ampo para mas maipadangat namon ha Diyos an amon gin-aaro?



Adman 'ta

Kitaa an mga ladawan ha ubos . Hain dida an may eksakto nga kiwa samtang nag-aampo? Butangi ini hin tsek (✓) ngan ekis (X) kun diri





Mga Buruhaton

Basaha an masunod nga pakiana. Butangi hin (✓)
kun Oo ug Diri an iyo baton. Buhata ini ha kada kulom.

Pakiana	Oo	Diri
1. Oras na para mag-ampo han orasyon “six o'clock prayer”, gintawag ka han imo nanay, madaup ka ba?		
2. Urusa ba kamo nga nagpapasalamat han mga grasya nga nakakarawat adlaw-adlaw?		
3. Nag-aampo ba an iyo pamilya san-o ngan katima mangaon?		
4. Naupod ka ba kanda nanay, tatay, ate kuya pagsingba ?		
5. Nag-aaway ba an imo pamilya samtang nag-aampo?		



Akon Nahibaruan

An paghiguma ha Diyos maipapakita pinaagi han urusa nga pagsunod han mga buruhaton han pamilya: pag-upod han pamilya ha pagsingba, pagkanta hin pagdayaw para han Ginoo, an urusa nga pag –ampo san –o mangaon in mga mag-upay nga pamatasan para magmalipayon an pamilya. Kinahanglan maghatag kita hin oras ha pagsingba o pagdayaw ha Ginoo para makab-ot naton an kamurayawan han kinabuhi.



Akon Mabubuhat

Isurat ha sulod han kahon an puwede mahitabo han iyo pamilya kun pirmi kamo nag- uurusa pag-ampo.



Pagsukol han Nahibaruan

Basaha an pamulong ha kada numero. Igdrowing an malipayon nga nawong 😊 kun nagpapakita hin pagkaurusa ha pag-ampo an pamilya ngan masulob-on nga nawong ☹ kun diri. Isurat an baton ha imo notebook.

- _____ 1. Durungan nga nag-aampo an pamilya nira Karen san-o kumaon.
- _____ 2. Batasan han pamilya ni Mano Andoy an pagsingba kada Dominggo.

_____3. Pagkasubo, ngan pagmahay la an ginbubuhath
han pamilya ni Mana Nene kay diri nira
makarawat an nahitabo ha ira.

_____4. Malipayon nga nagkakanta hin pagdayaw ha
Ginoo an pamilya ni Mano Tony. _____

_____5. Kakaistoryahon ko an akon kasapit samtang
nag-aampo hiya.



Kadugangan nga Buruhaton

Direksiyon: Igdrowing an imo pamilya ha sulod han
kahon nga durungan nga nag-aampo .



Mga Baton

Panunmdom 1. Eksakto 2. Eksakto 3. Eksakto 4. Sayop 5. Sayop	Adman To 1. / 2. / 3. X 4. /	Mga Buruhaton 1. Oo 2. Oo 3. Oo 4. Oo 5. Diti	Pagsukol han Nahibaruan 1. 2. 3. 4. 5.
--	---	---	---

Inadman 1. 2. 3. 4. 5.
